

朱太復文集

朱太復文集卷之二十一

五湖朱長春太復著

詩

七言絕句

巳卯

下江

白門酒家花撲缸醉發長干秋水艤片帆潮下船如
箭一日風吹到鎮江

原辰

道過家奴言父自徐後陸北上

沛草逢僕泣雙懸見說龍鍾投馬鞭
千里平沙酒肆少卸鞍何處醉壚邊

登虎丘

清池白石春猶麗高木長藤晝亦幽
帝子初陵何處是夕陽懷古望長洲

秋雨念老父在道二首

霸王城上密雲圍雨急天長鳥不飛
今日白頭江外客不知誰為着秋衣

其二

涼風吹雨自西來，動地秋聲向夕哀。
何日布帆安穩至，起居先進菊花杯。

辛巳

過太湖吊古

太湖東望白雲離，忽憶當年吳越師。
日暮烟波三萬頃，只今何處吊西施。

棲賢偶成

村前村後人烟少，山北山南木葉稀。
雪底野雞當路

起雨中樵子負薪歸

戲酒人

吳市埋名四十季囊空常欠酒家錢
每逢爛醉自歌
嘆明日午時中酒眠

壬午

西湖夜泛三首

船有美人

秋夜西湖秋水長城陰山色暗荒荒
却賒涼月懸孤
鏡照得佳人泛野航

其二

一棹平行水鏡開
天門山色夜飛來
草蟲吟而聽
急漁子移燈個個回

其三

孤山一半月中明
槁影浮湖入畫清
兩岸白沙如雪
淨獨揚枝下酒船橫

下江詞二首

上元山色抱江來
江急濤聲疾若雷
十月海門風信
簇千帆逐浪一時迴

其二

夏夜

家居東海路漫漫
客在西風易水寒
自別故鄉三百日
不知明月幾回看

過寶應四首

八月長淮大水流
挂帆風起蒹湖頭
烟浮西望不知岸
日下孤雲一片秋

其二

秋霞散出湖西邊
千條萬片落長川
水光夜色相浮白
露氣清清月在天

其三

湖中白浪接天飛，四面流雲沙際微。
獨卧船頭看月出，不知風露濕秋衣。

其四

中流風急布帆開，夜靜無船更往回。
獨載月明乘興去，向誰賒得酒壺來。

甲申

與陸瞻甫二首

舒城土酒苦如茶，十斗千錢不中酤。
昨夜淮人送家

釀與君一飲盡千壺

其二

梅心驛裏酒半酣故鄉之別人不堪明日登城望行
色布帆安穩渡江南

秋祀山陵曲十二首

天壽山連北斗雄浮浮佳氣 九陵中近來

天子嚴秋祀 歲領祠官上竹宮

其二

霜落燕山木葉稠 翠華行處未曾秋遙看閣道千

官肅不似瑤池八駿遊

其三

衣冠騎從扈明廷

法駕平行

御鞞城尚食畫陳

千品膳老臣親

文

賜一杯羹

是日徽

徐文璧學士

御食賜公申時行等

其四

宗祝降神瓚玉白

后王旅獻鬱金黃祠雲常住幢

幡影原草微沾俎豆香

其五

秋山木落夜烟空軍士吹笳片月中宮女千羣立齋

殿一時回首歎西風

其六

西籟

君王曾試檢寺人
個個熟弓刀承
思一箭覆鷓落
大嘆良家六郡豪

其七

獵火照天移毳帳
軍書傳虜近
墩臺九邊飛檄防秋
急匹馬休教穿塞來
前五日有邊報

其八

未太復文美

詩卷之五

六

言三
陵寢諸峰似九疑三湘竹淚西宮悲
率率樂奏才人舞銅雀無勞施蕙帷

其九

騎兵十萬鼓嘈嘈
詔減諸司供帳勞縣道只驚駘
日轡師行真不犯秋毫

其十

君王三駕萬人歡
父老携兒伏道看
又說今年租減半
北陵常賴借飛鑾

其十一

大駕朝還涼水河前駟怒馬逸沙坡三千內騎紛紛
落萬一驚與當奈何

其十二

翠華遠望紫雲邊夜夜長占太乙纏一曲秋陵頌王
度小臣遙欲獻甘泉

乙酉

送箏

舒箏清織天下涼客囊携長兩三牀贈君六月西湖
去一幅蘇堤醉卧長

入山四絕

平田漠漠水雲西
金斗峰頭白鳥啼
岾夾羣山飛入
郡中流界出是龍溪

其二

嶺頭深入暮雲微
日落危巖樵者稀
苦竹根邊行客
過木瓜募裏雉雞飛

其三

草外青青燐火來
夜空山鬼叫荒臺
居人畏虎門俱
閉谷岾吹風舟自開

其四

石碇平開司馬關水行欲盡客舟還雞聲鳥語不知
處一片帆邊過亂山

夜過岳王墳絕句

岳王墳前草不彫參天柏樹青蕭蕭不堪夜聽南枝
鳥叫出西陵渡口橋

岳墳樹皆南枝

丙戌

飲中偶成

半倚半卧衣冠無中楚紛紛醉大呼却驚燕子翻飛

去口墮青蟲落酒壺

丁亥

送蘭四絕與費二

山中此物極幽清
香逐春風礪底生
何處移來寒色好
澁盆相贈有高情

其二

不愛桃花愛此花
紫莖翠葉立寒沙
正是孤城無處買
雨中相對似山家

其三

花花如綴香浮露葉葉如裁青動風却惜幽芳同隱
士半無人采老山中

其四

盆盛白水漾沙虛淡淡花香清滿瘧入眼圖書都不
俗吟詩日傍此君居

過語溪驛尖父

語溪春水遶城寒此地家君寄一官心是津亭繫馬
處不堪流淚月中看

秋暮奉送盧外翁蒲圻主簿之任絕句共七

首

水白前溪木葉流
行人九月上江州
孤帆浩蕩楚天
逐何處雲邊黃鶴樓

其二

山川天下楚中清
黃綬翩翩傲吏情
好去風流盧主
澤秋江吟倚鄂王城

其三

才子為官未白頭
尉曹無事况優游
好尋古局仙人
石留取新詩鸚鵡洲

其四

赤壁臨江古戰場詞人曾悞吊周郎
卽憑將賦筆乘秋興沙羨重開明月航

其五

從來此地多遊興崔李詩名接正平
我寄狂心逐秋水月明同望漢陽城

其六

嬾性從來丘壑姿暫將吏隱荅
明時應知月俸無多米盡付卽高沽酒資

其七

江東盡號婦翁清阿壻踈狂也有名官許官舟相接
送衡湘萬里聽猿聲

戊子

題散人鄭四二絕

鄭老飄飄悞世心一生慷慨橫黃金不知結客連江
海垂白誰為感激深

其二

朝裝楊子暮百續行人到處酒家宿來往江頭五十

李醉時只唱長干曲

為法相聽松上人題

山中之居佳氣欣
林歌坐對南峯雲
天空谷深百鳥
靜向夕松聲清為君

巳丑

得武昌盧主簿外翁書

春風江外憶離居
萬里南來行客踈
記得開舟如昨日
一季初到武昌書

松風軒 題陳立父大隱園

小軒陰傍古松清影帶平池
拂浪輕何處關情最蕭瑟
江風吹落月中聲

琅玕亭

高竹臨塘意出塵
季季江雨濯枝新
孤亭正在空林裏
明月清尊思殺人

采菊園

種菊江邊秋圃黃
西風吹散滿籬香
樽前采采風流意
借問何人不念鄉

臨池

芙蓉湛澹夾清池，亭檻臨流碧蕪滋。
遙憶石欄人坐處，水紋長似學書時。

周悉備提酒夜別

尾屑涇邊舟夜開，玉壺提酒故人來。
橫梳枯柳論文處，雪滿江邊客未回。

康寅

渡錢塘四絕

濤白茫茫動海飈，行人初渡浙江潮。
孤船入越知何處，雪滿蕭山縣郭遙。

別弟渡江二絕

鴈行離別大江頭，聲斷孤雲入望愁。
一曲長干早潮，送行人灑淚上揚州。

其二

輕帆楊子別離間，今夜知停何處關。
却記臨行尊酒地，月明南北望金山。

出黃河

黃河東盡海西頭，雲莽沙昏萬古流。
荒度至今思禹跡，湯湯清口使人愁。

宿清河

淺草寒烟小，涼紗夜船津。
鼓客心，嗟北雲不見長江際。
知處江南，便是家。

題倪瓚溪山亭子圖

亭倚寒崖石半歌，蒼林古靄日離離。
溪流一道清相映，疑是山陰夜雪時。

辛卯

逢吳人寄書舍弟四首

逢人言語是西吳，陌上停驂試一呼。
家在西溪經過

近離鄉幾日有書無

其二

二月梅花江外遲
題詩逢客寄春思
九河雲落三千里
憶到名邊更幾時

其三

一身多病罷官難
腸斷天邊海殫寒
却寄行人數行淚
開書不必問平安

其四

江南春色媚南溪
小弟看春處處迷
君到谿頭為踪

言卷之三十一
跡漁舟只傍落花堤

夜雁懷安仁鄭大

懷君吟罷起秋風白鴈南看度月中
一夜遙知到江上故人還在洞庭東

作客戲寄姑蘇子中侍書

荷花如靨葉如棠學得吳王宮裏粧
可意臨行束書帶玉琴東畔倚胡床

戲代姑蘇子答

梧桐葉稀槐子多忽聽砧聲井上過
夜半起來縫

布月明啼奈螭姑何

壬辰

第四外經縣還南以舊銀鐺一贈行偶成

官中長物一毫無携有銀鐺媚酒壺阿琳竹林曾飲
慣臨行持贈慰窮途

陽信縣八月十五病中對月絕句二十首

異方良夕不勝情起被羅衣病骨驚獨進一杯無限
思坐看海底月華生

其二

邊風吹動海陰秋。鼉吼龍吟積水浮。明月不知何處
出。洪濤東望使人愁。

其三

小縣東隅歷歲華。無才敢望召長沙。海樓厭見三季
市。河鼓空傳八月槎。

其四

暮潮初退海烏啼。白霧連城官舍低。情知人厭天東
苦。明月移輪只向西。

其五

離心偏蕩月明間千里江蓴客未還
半夜過城關玉笛家人齊起望關山

其六

胡牀玉笛夜江寒一滯風塵此興闌
遙憶清暉水樓上南山正好少人看

其七

家住西溪秋水中扁舟載月好人同
玉湖今夜三千里不寄菱歌到海東

其八

烏鵲南飛何處投
憑傳故國望清秋
人間不得常如
月一別三季白盡頭

其九

塞門陰盛早飛霜
海暗三更少月光
明知一片千秋
景別作孤城八月涼

其十

壯心零落日來多
乞病惟思卧薜蘿
劍光試拂同秋
月西望旄頭灑淚歌

其十一

風霜疾病卧遼西
弟妹分離幾處迷
此夜應知同有
月三人萬里各含啼

其十二

海水難隨月到天
客身不動淚潜然
只記長安向雨
望

帝居應在斗樞邊

其十三

夏王河邊沒白蒿
倪公城外接寒濤
蛟珠龍樹爭秋
月海底天雞半夜號

其十四

三韓只尺與天通東略岬夷人境窮
岡西委蛇夜欺客含風吹火月明中

其十五

季季秋月雁飛初知傷燕山度玉除
故人多在金門側不見東來一紙書

其十六

回首江頭弄月華香蓮白紵美人車
少季俠客酒醉入錢塘第一家

其十七

玉袖凌風去不還，倡樓子弟散人間。
祇餘銀漢徘徊月，常與流雲似舞鬟。

少年於錢塘中秋乘月訪陞三娘今歿已十季

其十八

西簷霜白挂天河，床頭蟋蟀吟更多。
月光欲墮留不住，况復愁人奈老何。

其十九

夷人乘月弄空侯，半是邊聲半是愁。
使君淚盡胡牀卧，小婦挑燈理故裘。

其二十

搗藥長生憶駐顏
桂枝零落羞為攀
病夫不早歸招
隱羞對秋風大小山
城東海上有大山小山

鄉人有南歸者在
駕問家書時值謝
病報以此詩

故鄉歸客問離居
疾病天邊難附書
為報家人官已
罷落花三月掃吾廬

癸巳

南旺二首

石
離分水頭朝辭津柳下歸舟故鄉今去三千
里不見南江更北流

其二

汶水盤旋解惜分悠悠從此不相聞寄聲天上長安
客獨向山中看白雲

甲午

元夜湖上望城中燈火出吳山

遙望春城聞九華武林遺事帝王家香車寶馬三更
月散出吳山幾樹花

昭慶寺前雪夜立致

春湖夜雪白，含山影若秋。
雲落木間，望入南屏堤樹。
盡月明，一片釣船還。

舒城吏人孫朝華堆傷篋來問即題

一片龍鬚江外携，吏人猶有故侯思。
布衾六月藤床裏，不似彈琴清卧時。

恭題觀音大士繡像

珠衣綵綴白雲裳，水月如如見寶光。
善海欲離慈航淺膏分荷葉作慈航。

朱太復文集卷之二十二

五湖朱長春太復著

序

贈蘇公由御史進大理丞序

代作

國家設御史負百以內直言佐匡

天子得失外持斧行部廉察利害便宜興大計以保
義職方品在第七重與秉鉞督撫大臣等允三竣使
歷七八年計功勞最者超遷為廷尉丞因以次出鎮
開府云數常比諸曹轉者為多然百負中需資得遷

者什一耳他往往外補浮沈二司間雖例少嚴亦都無當於當世之效焉及已竄擢出而握重猶有周廩選望不任封疆之大故或優游異綬養患又亡其因附僥得之奉翊張聲中實無奇或亦疆力任事仇義之臣少耶太倉蘇公以進士高第令廬陵治平召為御史允再巡關一使滇中一按留都六年滿考晉今官其抗章言事敢諫著名聲殿中事多不叙吾表其按部之大者薊昌保鎮衛京師如漢三輔而北迫匈奴一牆之間藩扞要害寔自款市息兵餘

二十二年鎮臣習媚虜幸旦夕無事輒撤備不戒士馬
虛耗九塞空虛矣而公計以我心無厭和不可恃兵
久惰難用叛盟畧邊而後議守無及事當防其卒也
凡前後居塞上兩率車軌三周熟習籌畫列事宜十
四條為封事奏以聞語詳巡關疏中當是時虜方無
釁邊塞號太平將士狃故卒見公倡言恠不為意然
有識者讀其疏而蒿日至前年洮河被虜廷議各
故當事者蒙成縮朒釀禍謂公策不早施用遂令胡
馬至此去年薊鎮候報虜聲中外倉皇守備莫知措

然後左顧思公言為石畫云故時滇有警既平用軍
興道輓艱難騷費未已諸將喜功者莽起方議勦七
寨以張兵公至謂萬里絕塞之民不可以久師煩數
其小梗諸酋誠以宣 國家威令警服之足羈使何
至頻干戈立下令停罷大理等五郡歲運三十萬緡
以裨將將兵戍其七寨渠魁諸夷底平全活餘二十
萬人我師所省耗折物故不與夷人部民至今思之
輒稱蘇父大要滇在西南邊極遠漢夷錯處時時梗
不常當事者為或好治梗以為功往往民苦兵或將

士貪冒級賞滛劉居人所來沿故久矣其議自公始
黷公獨念核功止殺保生靈以風諸邊為社稷計
長不皇慮他已矣事勢所激或過顧各邊將廩廩南
中至十季不被兵公之力亦多公為人稜稜自喜所
至以亢直持大計數者其氣著然多言邊事人以此
謂公有方辨之望云今天下專制一方按臣鎮臣耦
俱而治按者主察舉又歲代其治政不如鎮猶難中
今若疆場之間戎事壹稟按使者第能言耳故蘇公
巡疏無救防胡之敗比者虜禍更棘邊事皆更始邊

吏民誠願得公次而出鎮之語曰苟有車必見其載
苟有衣必見其微此言事無虛聲豈公業已識之言
之而不能擔乎夫籌邊兩策以守則戒以戰則核此
皆具公掌中保障長城於是乎在安云任事仇義之
少公須矣 社稷有福不能棄公念以為臺使者塞
口

送楊烏程侯志尹赴徵序

歲癸未余出令舒客有善仕者余就問焉曰仕行志
耳請無上傳乎客曰苓苗延延植不如蓬綠於松而

于雲余曰請無養譽乎曰雖有良桐師野斲之田連
鼓之有按柱而移其絃則聲不若土埴余曰請繩左
右乎曰鼎廢足不立廢耳不舉干將廢靶則入傷手
言者退而余齟然不若於心乃以問諸長老先生先
生曰不然若為巧也未謂巧必不困乎狙猿何為以
捷而招維謂拙必不通乎大蔡不食蠹蠹無姿好被
爨而登廟焉吉凶無方循理為祥君子道其常且夫
曰民牧牧者牧也牧馬已然童子曰去其害馬是撫
之蕃馬已矣豈使汝上比旁比下比恣睢陶誕股削

百姓之命以從事於脂膏而久盜福焉必不然矣夫
筮仕也立節擇途在此時耳予拜而受之以赴舒行
之一年其煦煦者不勝其咻咻者也鄉里宗親四方
賓朋相遺教為深相督過曰賈而欲售而守滯乎已
亦竊竊焉疑必前說者為鑑既而且移地又且還於
廬三季居寰市中耳目孰楊侯之治吾邦乃儻然當
於志又頊然異也楊侯為予同舉進士又同日而授
官其為人澶夷而中嚴不可以媒私其持法廉潔無
所曲而至於偕百姓則心平即有口折律巧法無所

飾者即伺愚不識常邑慳得全焉即豪長有勢招權
厭之如山不動即下戶黃衣奉腹之民調之若樸焉
其所反出即弗問上司欲附者其所執即弗問上欲
斃者性又察而善勞親自貫日而治科會以上無不
手出左右胥役莫得關其口清浮田地以千頃計刷
追故逋賦課以萬銖計省溢費蠲羨徭緩徵責四封
市落晏然門戶晝閉不聞追呼之聲而農得以春秋
安食盡四體於隴畝故三年家給餘甯米賤於蔣率
遇今大水沒吳數十郡縣烏程之流冗餒人殭尸比

於他為少而所自力請免租議賑勸貸諸荒辦政又
常為首故其民甘心束腹含菽茹草而不忍之他蓋
侯之治都一切不事逢指粉飾假借巧合而一意以
廉平脩百姓為事則四歲以來窮鄙諸君吾子謹喜
謠誦之聲日聞而他所左迕不逞思中逸口亦時時
起矣然侯終不以更易操而其竟以款款結百姓
之誠如鼓鐘而聲外聞即態臣巧宦或敗或滯而侯
且今褒然以異等徵入矣然後知用術若彼循理
若斯之通也豈不仕路明效大鑒哉鄉使人用前說

習穢取賂貴旦暮之快耳而黎首毒結偽聲終著必
為世指名而我草草如鼯鼠之懼人姑無前論即所
睹記數十年巧進貴人一朝如婦而中朝老成元
德繫四海之望若其人多起樸直雅儻循吏則何從
焉楊侯守此注勲業當分三原王華容劉之間吾觀
楊侯得自信焉

贈歸安大夫黃禮甫遷南京比部主政序

黃大夫治歸安四率一意事循結其民民慈之如母
奉之如神君已遷南京比部曹當行予以同舉兄弟

也與送郊會黃頭補衣萬輩接而隨車延聲以號曰
天之不信乎世之多榛仕之難工也予異而就問焉
曰而為攀大夫乎大夫勤此土久

天子勞以還命固無留若虛為此私抑若有說乎衆
嗶然曰吁某等政有直於子敢問 朝廷之置令者
非冀其仁明以健乎曰然然則敢問 朝廷歲徵令
補給事御史備耳目負亡以是為必忠達以直乎曰
然曰歸故吳頑邑也苦于竭求征無時齊又冒供不
經不貲故事之需力已困矣而自又構獄繩引株連

歲月坐累其間自吾大夫來而輸有次羨有蠲橫費
有盜約以下戶計戶歲減科出數錢每受質決訟自
鬪爭錢責戶婚田土犯城旦以下親諭以善勸其成
以平邑故以田棄日息而民不知刑此將無為仁乎
故販舟野澤惡少賣鹽橫金椎剽草竊大夫廉其主
家而董禽之故然集之佻夫為鄧析教訟抑揚皁白
以熒官而漁於民大夫追案其魁首而靖之故姦牙
富駟倚市夤緣乘時詭幣權收細戶絲穀積著以息
大夫厲其禁開首厚罰而平之此將無為明乎日披

簿會爰書之牘溢量隨手流決無害胥史無所撓軌
又以地多豪苦怯徃徃加意抑情以平即觸午勢家
若族弗友飛柑吡吡無為願易終以保庇無知曲便
之數年于今官既無追呼之役而諸豪長又望風戢
禁寧杜門逋滯恐詔不欲櫻黃大夫之鋒此將無為
健乎則大夫胡為於此還也天之不信乎世之多榛
仕之難工也予聽而色憐之曰然否凡爾所言居官
奉職則此矣非所論於官之外也若不聞乎堅易缺
白易汙晏子齊之民譽也治萊三年而公收之廩與

豈為不結於下哉使齊公不再命而晏子不改步則是故節無明而終生為敗官黜士也夫百人推車不如一人手轡而馳之固上下之勢也然則駕者反馬推者如之何自大夫之治一季而駮二季而定三季而狐疑四季而遷予為大夫而始而悚既而惑終而虞以至於今乃幸也亦等顧謂不幸耶衆乃哂而泣曰然則天乎夫使大夫以吾等而薄遷乎且如今歲荒吾等老者百率以上未聞見也斛米一金苑人連室無算賴大夫請於使君留官錢行鬻大夫身冒暑

雨日夜錄餒枵垂盡之男嬀主其分幾月而大夫親
病亟已即錢盡議革弗給供實食大夫以延須臾又
調散醫人門城而施藥以掇餓疫此其活食指而數
臣萬矣豈曾無足回天而寵大夫哉予曰嗤愚切切
乎抑媚結百姓之口未動人而動天遠乎且聞曰先
迨而後合天故未可測於是衆羣前而問曰子夫且
仕也則善仕者何居焉曰將居材與不材之間夫間
者所以調衆而未至也良農為稼不能為歲是在夫
又安能以一針縫百人之口者吾聞事君者不選美

不避毀得志弘義不得志持義未聞隨方而尾合也
天以久定人以久勝三相之晏子非治萊之晏子乎
與巧宦而多危誠不如拙守而俟時於是前二舍別
大夫遂述以告而送之

送舒縣尉陳君致仕序

寧州陳君故州中名家子藉上世殷厚一意取適志
不狎於世故既以游學困不第以貲為太學弟子滿
歲當官其家之貴人宗姓戚屬在長安衆恬退不求
為闡說官遂以失職授舒城尉尉佐縣瑣尾難行志

縣又衢路使車晝夜往往南止繹至而丞尉必郊出
數十里道側伏迎送陳君屈首以名家子一朝服下
僚奔道路如候人則已非好而天性樸直無隅飾獨
謹其身苦廉以奉職俗態脂膏巧入不能習而時稍
稍遲臆憚於時務為人所擠陷其口語又乞莫自解
明白也以其故官拓落官聲不起蓋去歲奉命來
為令陳君先是已投府求去矣顧予雅知君子又性
嫉陰賊而喜與人櫟謂不可令賢者冒逸口落職不
為洗長吏之恥也拂其請強之留留半歲熟其人行

事列狀為雪白當道稍稍信矣而故妒者方誣誣背
憎陰中不止陳君乃堅意去不復留也予壯其志代
請致事上於府府報可文下縣而君朝拜文夕裝
携室以是日乘特舟南出江松江流歸予望之翩翩
然朱生曰嗟乎壯哉昔人稱仕道難不信然哉夫官
取當職人故無兼才縣佐尉小吏耳無有錢獄簿案
相煩屬不與勸俗興化之務取分職備署奉令而布
之誠得長厚者居廩廩畏禍謹受成於長令民與藺
靜休息無望興利如陳君輩可以養福與其遇駟狼

文深之猾侵權牟利生事上以氣陵不受束而下肆其毒出官為騷擾黔首即有小才傅虎翼為虐不足用此兩者何當獨奈何畧節棄人以短才令陳君去乎往幸

主上任故江陵相以刑名急法繩縛吏天下官飾虛功見偽增實大都皆務慘礪束溼為治而少仁恩當此之時木鈍者無所容

今天子蠲苛破觚更始為寬大倡羣吏以循謹天下望風謂長厚之士黷跡焉而陳君以此日被言去予

公遂奉身歸然齊魯間實不便而者天下由此屬望
公江陵之事敗

天子命下議舉舊臣中朝疏薦起公章交入會河上
督漕次伐公弼議往者河驟徙滿悍苦漕今高家堰
新築未竣春夏水騰至河道長恐傍出為患舊撫山
東者李公主議停止鑿河山東至今便知水之利害
持大計無如公上其議

制曰可即其家起往視事蓋視事不數月起除兩淮
郡縣利弊數十事不具而工遂告成

天子為停執子之歌四方漕粟平行過洪畢至通州
已報命則朝議者請急復故相所裁南京六部卿
貳為固根本而言南兵玩宜選望臣鎮之於是公卿
議留都在吳楚中大江為壑非有臨塞不時通烽
推警而既北都久遠當事臣奉法漸窳簡練䟽將士
懈衛伍取充數第糜廩卒有事不足用東南以此隱
憂今督漕舊撫浙山東者李公曾以習兵雄海鎮主
罷撤兵之議熟兵計能練士今雖重漕乎漕工幸成
建業又居漕上流有如搖動漕不得安必以公止上

其議

制曰可於是南營將士聞公往大都肅肅蕭蕭練習武
事奮臂待閱矣其等皆公後人也望風久幸以直指
行淮南夾輔同事奉數月耳而公遷行既以舊望目
睹公新政愾然概於中乃知當事不宜多易當江陵
盛時天下紛紛多議哉齊魯之間不得公蕭然煩費
矣江陵死而公起已治水保淮南而進主兵為東南
障握此而重天下大安老成在望國之福也豈非
天哉

贈烏程司訓姜先生序

蘭溪之雋美

名家大叅常軒先生之子壯歲以

弟子應邑獻為訓烏程烏程之士人祝而化也茂以
文佻以薦士思所以尸社而頌之其高足徐子守經
陳子行道吳子觀韶與吾季長明寔來道其行事請
予言為叙予不工言感先生之古道有慨於學宮之
政遂不辭謝夫學校官豈不至重哉往漢事賈董通
儒匡貢顯臣途皆由博士以起亦時上不以格限雋
階雋者亦不難以少年秀才弘氣就此應世資故一

代經術文學斌斌三代以下莫齊焉於今制則左矣
其士子媮薄脫易詭瑣竒耶而事不根之文二百季
來日月轉盛動煩

詔旨不能揀夫銖官之治物也為之士範負則負方
則方以鑄器如削師傷者忘士之治範也夫賞薄則
勇夫怯率晏則志士偷今傷官既以格不與通顯又
充以宿士垂白之人起於圭竇久約之中進無前途
退不再計斷斷在堂譖譖在署師不言課弟子不請
學伏臘相徵也臙脯相訶也壺簋相浴也擊毬相討

也士有不檢不類不習不問日月獻藝則引毫而吁
俞之其有指詆則羣背而咲耳如此為師建曲表而
求直影安責生徒哉今吾所見聞姜君不然語云木
落糞本土子通行則思師此非偶然今其來道者稱
其行端士也屈其博文士也啣其惠貧士也嚴其約
程不取肆浮達少士也士不虛附名不虛立此非先
生之教有成徵矣夫先生起名公子沃而無貪合於
漢制不中貲江南甲族門選之格年方盛途窮潦倒
墮放之偷未起又多聞好脩其力義而善於官不緣

嗜進若天性也今天下在在人人求必如此然後宮
何患乎士風一曰而當變今上下共目為餽傷優老
之地沿久成例循為長厚無敢調停取譁入安用空
文斤斤申飭督天下弟子哉湮山而導川此必不得
之數也故予曰有慨於學宮之政夫今日自宰相而
下夫非章縫之士然士之賢不肖宰相不得與也相
主民學官主士學官宰相所出如不教而使之則尹
何之說也故擇官不如擇士更一政不如得一人使
天下士皆復斌斌其誰有出官而敗者乎不一矣且

官行志耳處熟先生之言出而用之不負委吏場司
有可浩然滿志自盡斗食無素三公不加焉鄉舊有
胡先生越三代而祠之寧其以高官大位異伐以食
血於茲土則惟教授之故仕又何論階必漢法不格
而後善乎先生勉哉苟其內外無飾作士濟濟冠天
下雖以遠續世祀近高宰相可也此亦天下學官之
勸哉

賀六大夫李克蒼考覈上封序

嘗聞儒者雅言移孝之義而田過曰允事君以為說

也夫道天下任事不忠恃繫楹無短長養斗石祿米奉為親榮夫乃恃乎俗有程工者必視其削而售之毀場則訶責而奪餼故工無窳器非為主人自為也今人於父母孰不欲調甘脆為養奉象服為華家貧制有等不可得故仕而求之君君掾祿爵封賞為豪矢易士人死力士人各忘自致力陳功博取君寵奉吾父母三幸功不稱者上絀其親爵以罰名猶共主也父母人各親焉人操為親之心當官無不自力者人少時辭父母就傳受書命必曰異日以貴相及也

已貴仕為官秉職不效亢莢委頓父母首髮白垂老
無微爵奉為報此獨官之羞於孝何稱哉故曰事君
以為親為親乃事君耳清源李克蒼少年舉進士次
出為六大夫持廉平噢訕其民三季滿歲部使者以
竄聞

天子嘉循吏之功下制封其父母視子官封之季父
季公母吳夫人壽各當六十也而吳夫人自閩迎養
六亦三年矣命之下曰李君具朝服北向拜登冊跪
而奉吳夫人夫人具副笄亦北向拜受當是時人傳

評為美曰李太守年未壯服官立功忠事君榮迨其
親平後大夫令舒六舒同屬廬江府府有政不時集
諸郡縣長吏集則與李大夫深譚嘗謂我曰方今吏
號為難江淮之間竄上使者監司十餘道牙錯相制
跋戾不得便宜至周廩難使養虎無怒下其民陽為
樸頓實巧法武健好訟尋常評語相爭競赴上官陳
告累數十爰書取必勝豪紈把事風俗頽壞太者予
杜梓父嬭姑勃諱賣妻通室傳質為市同產分羨交
惡相逮媼婚亂姓大族不免悍子惰女與人睚眦自

雉則衆羣躁而攻之救壞至此可易治乎吾少年一
旦領劇治治加意勸俗興禮為訓辭布之罰自咎以
上必親必情拮据不自惜常恐不稱吾父母老矣不
以時勉奉職結

主上圖封爵榮目前安取曾氏之歎哉老母在署吾
性懶厭務每進見母則攘臂而起今勞苦三年矣朱
生亦母在也立功為親可不務乎余感大夫之義睹
封冊之榮退而自惟知田過之對不誣雖然豈非命
哉丈夫仕取無醜法詔行不辱節以荅親耳今天下

士大夫直躬不諧世勞苦無效坎壈豈少哉取為親
而躡名急干澤以事君兩由或詭矣李大夫夷直子
諒無脂韋媚於下踈於上仕道之拙也成名榮親豈
非命哉

朱太復文集卷之二十二終

朱太復文集

卷之二十二

一九

全